



AWIG - AWIG
DESA ADAT NYANGLAN

DESA NYANGLAN
KECAMATAN BANJARANGKAN
KABUPATEN KLUNGKUNG

TAHUN 2000



AWIG - AWIG
DESA ADAT NYANGLAN

DESA NYANGLAN
KECAMATAN BANJARANGKAN
KABUPATEN KLUNGKUNG

TAHUN 2000

PIDAGING
MAKA BANTANG AWIG – AWIG DESA ADAT
 MURDHA – CITTA

PRATAMA SARGAH	ARAN LAN WEWIDANGAN DESA	3
DWITYA SARGAH	PATTIS LAN PAMIKUKUH	4
TRITYA SARGAH	SUKERTA TATA PEKRAMAN	5
	Palet 1 Indik Krama	5
	Palet 2 Indik Prajuru/Dulu Desa	8
	Palet 3 Indik Kulkul	10
	Palet 4 Indik Paruman	11
	Palet 5 Indik Druwen Desa	12
	Palet 6 Indik Sukertan Pamiteges	14
	Kaping 1 Karang lan tegal lan cangk	14
	Kaping 2 Pepayonan	15
	Kaping 3 Wewangunan	16
	Kaping 4 Wewelungan	17
	Kaping 5 Bhaya	17
	Kaping 6 Penyanggran Banjar	19
CATHURTHAS SARGAH	SUKERTA TATA AGAMA	19
	Palet 1 Indik Dewa Yadnya	19
	Palet 2 Indik Rsi Yadnya	24

	Palet 3 Indik Pitra Yadnya	25
	Palet 4 Indik Manusa Yadnya	29
	Palet 5 Indik Bhuta Yadnya	30
PANCAMA SARGAH	SUKERTA TATA PAWONGAN	
	Palet 1 Indik Pawiwahan	32
	Palet 2 Indik Nyapian	34
	Palet 3 Indik Sentana	36
	Palet 4 Indik Warisan	38
SAT SARGAH	WICARA LAN PAMIDANDA	
	Palet 1 Indik Wicara	41
	Palet 2 Indik Pamidanda	42
SAPTAMA SARGAH	NGUAH – NGUAHIN AWIG – AWIG	44
ASTAMA SARGAH	SAMAPTA	44

MURDDHA - CITTA

Om suastyastu, Om Awichnamastu nama siddham.

Malarapan saking pangyangning, Ida Sang Hyang Widhi Wasa Asung Kerta Nugraha ngawentenang kehuripan sekala niskala, ring Bhuwana Agung lan Bhuwana Alit. Manut dresta Desane wantah pawakan pesayuban Krama Desa rawuhing kula warga pawongannya. Desane keanggehang Bhuana Agung, pawongannya soang - soang pinaka Bhuwana Alit.

Sotaning Bhuwana Agung, Desane wantah pawakan Bhawana maurip jangkep saha Tri Hita Karananya Iuwire :

ha. Parhyangan, sahananing kahyangan, penyiwtan desa genah ngarcana lua Hyang Parama Wisesa maka jiwana desane,

na. Pawongan, krama saha warga desa maka sami mapawakan Bayu Pramana, mawidan desane sida molah maprawerti,

ca. Palemahan, tanah kekawuban desa sinanggeh stulaning desane.

Adung patemon bhuawana kalih, larapan santa - Jagadhita, sinanggeh murdhaning prayojana pangeriptaning awig - awig Desa pakraman ring paseban mami krama desa adat.

Pinake sepat siku - siku pematut wastu prasida, prayojanan mami kabeh prasama angidep muwah amagehaken kadi linging awig-awig iki.

PRATAMA SARGAH ARAN LAN WAWIDANGAN

Pawos I

(1) Desa Adat puniki mewasta Desa Adat Nyanglan

(2) Jebar kakawub wawidangannya mewates nyatur

ha. Sisih wetan utawi kungah tukad toya Jinak

na. Sisih kulon utawi kauh tukad toya Bubuh

ca. Sisih lor utawi kaler Desa Adat Bangbang

ra. Sisih kidul utawi kelod Desa Adat Timuhun

(3) Desa puniki kawangun antuk karang desa utawi gebogan krama, turmaning kepah dados

3 Bebanjaran, utawi sinanggeh tempekan luire ;

ha. Banjar / Tempek Nyanglan Kaler

na. Banjar / Tempek Nyanglan Tengah

ca. Banjar / Tempek Nyanglan Klod

DWITYA SARGAH

PATITIS PAMIKUKUH

Pawos 2

Desa Adat Nyanglan ngamanggehang pamikukuh minakadi

ha. Pancasila;

na. Undang – Undang Dasar 1945;

ca. Tri Hita Karana manut sada cara Agama Hindu.

Pawos 3

Luwir patitis Desa Adat Nyanglan-puniki

ha. Ngukuhang miwali ngerajegang Agama Hindu;

na. Nginggilang tata prawertine magama;

ca. Ngerajegang kasuhertan Desa saha Pawongannya sekala lan niskala.

TRITYA SARGAH
SUKERTAN TATA PAKRAMAN

Palet 1

Indik Krama

Pawos 4

- 1) Sane kabawos Krama Desa inggih punika kulawarga sane meagama Hindu saha ngemong karang Desa utawi jumenek ring sawidangan Desa.
- 2) Sajaba punika sinanggeh tamiya, sane kabrayang dados kalih inggih punika sane meagama Hindu, miwah sewosan ring meagama Hindu.

Pawos 5

Krama Desa Adat wenten 3 (tigang) soroh

1. Krama ngarep, kulawarga sane ngemong karang Desa saha ajeng pawiwahana.
2. Krama tan ngarep, keluarga sane tan ngemong karang desa.
 - ha. Krama penyada, inggih punika krama sane sampun lepas ayah kagentos antuk sentananya.
 - na. Krama penyeledit inggih punika krama sane ngentos ayah krama ngarep wiyadin tan ngarep tur sane kedadosang sekaa truna ring Banjar.
 - ca. Sinalih tunggil sakeng putra Banjar ngarep kemanggachang penyeledit.
3. Krama balu, kulawarga ngarep utawi tan ngarep salah sinunggil lanang utawi istrine lina, wiadi nyapian,

Krama balu inucap kebinayang dados:

- ha. Balu mekrambian, inggih punika balu sane maduwe sentana dereng merabian;
na. Balu ngelisting, inggih punika balu sane tan pasentana.

Pawos 6

1. Nga-wit dados Krama Desa

ha. Sangkaning ngamong karang desa wiadin jenek ring desa;

na. Mawiwit pawiwahan manut pararem.

2. Panemaya tedun makrama desa manut dresta

Pawos 7

Tategenan miwah swadharma Krama Desa Adat

(1) Tetegenan krama, luwire;

ha. Krama ngarep, keni urunan miwah ayahan mamungkul,

na. Krama tan ngarep, keni urunan miwah ayahan manut perarem.

ca. Krama ngarep patut ngemong kahyangan jagat lan khayangan tiga.

ra. Krama ngarep lan tan ngarep kepatutang ngemong pure ring bale Banjar.

ka. Krama balu, keni ayah manut kawonganya;

1. Balu ngelisting, lanang utawi istri keni ayahan lanang utawi istri kewanten.

2. Balu makrambian, lanang utawi istri sane madruwe sentana lanang utawi istri sampun mayusa 17 (pitulas) warsa keni ayahan mamungkul.

da. Krama pangele, keni ayah - ayahan ngeromba krama ngarep.

(2) Krama Desa Adat kadadosang

ha. Mapuangkid utawi tan tedun luwire ;

1. Ritakala sungkan;
2. Matepetin anak sungkan raat;
3. Madruwe kelayu sekaran;
4. Sedek wenten ring dura desa. (Kundangan, ngerereh tamba).

na. Nyaga, mapiteges lepas ngayah, risampun tan mresidayang makarya.

ca. Mogpog ngetul wiadin nutug ayah saha papeson antuk brana, manut pararem, majeng ring krama Desa sane magenah ring tiosan Desa Adat.

ra. Penyeledih nyade wiadin nyuksukin ayah risampun mayusa 17 (pitulas) warsa.

Pawos 8

Kapatutan krama tamiyu :

ha. Krama tamiyu madana punia ring Desa adat/banjar manut pararem.

na. Krama tamiyu patut polih petras marupe pitulung ring sejeroning katiben pancabaya.

ca. Yan wenten jadm saking jaba kuta utawi jaba Desa madunungan ring kakuuban Desa Adat Nyanglan, sang kadunungan patut atur uninge ring Kelian Adat lan Kepala Dusun, tur jadm inucap patut sareng tan kasep ring sajeroning araine wengi (1 x 24 jam).

ra. Tamiu punika mangda makta ilikita jangkep saking genah wednyane. Yening tan jangkep makta ilikita tan kuwehin madunungan tur katur ring sang guru Wisesa.

ka. Wates dados madunungan wantah 6 sasih yan langkung ring 6 sasih patut nyantenang raga ring prajuru. Dados krama tur keni penanjung batu menurut pararem.

Pawos 9

(1) Wusan dados krama Desa karec

ha. Sangkaning pinunas ngaraga, menawi kesah ke dura desa,

na. Kenorayang, duaning sampun tan prasida ngesehin solah maprawerti setata mamurug
kecaping awig-awig

ca. Wusan makrama Desa mapateges taler wusan makrama banjar utawi wusan makrama
Desa mangda sanipunang kasinanggih empak ngelanting

(2) Sang wusan mekrama;

ha. Tan polih pahpahan druwen Desa utawi druwen Banjar.

na. Tan polih pesayuban Sajeroning ala ayu

Palet 2

Prajuru Lan Dulun Desa (Pelingsir)

Pawos 10

(1) Desa Adat Nyanglan iku kaenter antuk Bendesa Adat/Kelian Desa Adat.

(2) Banjar utawi tempekan kaenter antuk Kelian Banjar / Kelian Tempek

(3) Bendesa lan Kelian Banjar patut .

ha. Mawiwit saking krama ngarep;

na. Keadegang melarapan antuk pemilihan olih paruman soang -- soang nyabran 5 warsa
utawi manut dresta sane kemanggehang parindikan tur dados kepilih malih;

ca. Maduluran piuning ring Pura Desa saha meeka jati (mewinten)

ra. Nenten ceda angga

Pawos 11

(1) Bendesa Kelian Adat kesonggra antuk

ha. Penyarikan pinaka jatu surat

- na. Petengen pinaka pengemong druwen Desa.
- ca. Kesinoman pinaka juru arah, akeh na manut ka wigunanya
- (2) Sajeroning ngenterang sukertan niskala Bendesa ningsinggihang pemangku kahyangan
Desa.

Pawos 12

- (1) Suadharmaning Bendesa Adat luire :
- ha. Ngemargiang sedaging awig-awig miwah perarem Desa;
- na. Nuntun tur ngenterang krama rawuhing warga Desa ngupadi anut patitis;
- ca. Mawosin kalih miwakang pemutus marep ring wicara warga Desa;
- ra. Maka duta matemuang bawos ring sapa sira ugi.
- (2) Prade Prajuru/dulu iwang penglaksana keni pamicanda nikel ring kewangan soang
soang krama saha kangkat kerariyanang manut perarem.

Pawos 13

- Petias utawi olih-olihan Prajuru/Dulu Desa luire :
- ha. Luput rerampen (pepeson);
- na. Pglah tanding tengah;
- ca. Upon pecatu/pelaba carik/tegal druwen Desa;
- ra. Petias sewosan manut pararem.

Pawos 14

- (1) Prajuru/Dulu Desa kagentosin riantukan :
- ha. Lina;
- na. Kewusang dwaning iwang pemargi menawi nilar sesana;

ca. Wit saking pekayunan utawi pinunas ngeraga.

- (2) Nganorayang, ngewusang miwah utawi ngentosin Prajuru/Dulu patit ring sejeroning paruman tur keingkupin antuk Krama Desa.

Palet 3

Indik Kukul

Pawos 15

- (1) Kukul ring Desa luire

ha. Kukul Desa;

na. Kukul Banjar / Tempekan;

ca. Kukul sekaa-sekaa.

- (2) Tabuh tetepakan kukul Desa;

ha. Kalih tuludan lambat, tetengeran tedun ngayah;

na. Kalih tuludan bulus, tetengeran kepancabhayan.

ca. Atuludan bulus, tetengeran yuda utawi rampok.

- (3) Tengeran kukul ring soang – soang Bebanjaran.

ha. Tetengeran ngerorod (pengantenan) tigang kentonigan ngarad

na. Kukul kelayu sekaran (lina) Dasa kentonigan ngarad

ca. Kukul sangkep kalih tuludan

ra. Kukul ngayah kalih tuludan

Pawos 16

- (1) Kukul Desa utawi prajuru Banjar tan wenang ketepak yening tan sangkaning pituduh Prajuru Desa, sejawaning tengeran kepancabhayan.

- (2) Sang nepak tan sangkaning pitudah patut digelis atur supeksa maka buatan penepake, yan tan sapunika, patut sang mamurug kedanda manut perarem.
- (3) Kukul sekaa-sekaa, semalih kukul pondokan tan kelugra nyawerin (matchin) sukat utawi tengeran kukul Desa/Banjar, prede mamurug taler kedanda manut perarem

Palet 4

Indik Paruman

Pawos 17

- (1) Paruman/sangkepang ring Desa Adat Nyanglan wenten;

ha. Paruman Desa/Banjar kawentenang

1. Nyabran ngesasih maka eibna tanpa arah-arah, duaning sampun tetep panemaya manut perarem hebanjaran soang - soang -
2. Napkala (patgata kala) maka jalaran arah-arah manut tetujon

na. Sangkepan Prajuru/Dulun Desa, kawentenang manut wiguna;

ca. Paruman sekaa-sekaa manut kabuatan

- (2) Paruman Desa utawi Banjar madudonan sekadi ring sor:

ha. Prasida lumaksana risampun ketedunin antuk patut ngamiletin, kemanggala antuk tengeran kukul miwah mabusana adat, manut dresta saha tan kelugra makta gegawan sekaluire; tan marengarcana ring ida bhagawan penyarikan saha widi widana miwah cane.

na. Tan kelugra ngemedalang baos gora utawi byota, yang tan asapunika keni pamidanda pecamil kadi dandaning nguman-uman ring paruman;

ca. Pemutus kabawos beruk sepanggul (hingkup) panika kemanggehang.

- (3) Prade daging paruman tan kecomponin, mangda prajuru Desa/Banjar ngalikang bawos, saha putusannya mangda kerarem antuk krama Desa/Banjar malih prade tan presida kasungkem in jantos ping tiga, Prajuru Desa/Banjar dados nusa bawos ring Kerta Desa manut dudonan luare, kemanggala pangkupan prajuru, ngeraris panglingsir, panguntat paruman malih

Pawos 18

- (1) Sajeroning paruman Desa Bendesa Adat pitut nyiarang pemargin ngenterang Desa, pemekas ngenenin indik, ha. Munjuk lungsuring pakraman saha ayah-ayahant, sulur arta berama, druwen desa; na. Pidabdah Prajuru ngenemin usaha desa kapungkur.
- (2) Pamutus paruman desa sinanggih perarem, maka pamitegep pemargin awig-awig

Pawos 19

- (1) Sangkep prajuru Desa ngawedarang rerincikan usaha Desa kapungkur
- (2) Sangkepan Prajuru/Dulun Desa tan dados ngemedaling tetegenan ring krama sedereng keingkupin antuk Krama Desa.
- (3) Pamutus sangkepan Prajuru / Dulun Desa ngewetuang paswara, maka pidaging pitudah sang ngawewenang utawi ngonekang cecak perarem Krama Desa.

Palet 5

Indik Druwen Desa

Pawos 20

- (1) Padrusen Desa Adat Nyanglan sekadi ring sor

ha. Kahyangan Desa, luire

1. Kahyangan Tiga
2. Kahyangan dhuwen Desa

na. Bale Desa

ca. Karang ayahan Desa luire

1. Karang Banjar Tengah Lan Klod 900.000 M²

ra. Setra-setra 3.500 M²

ka. Pelaba Pura luire

1. Pelaba Pura Pusoh : ✓
- Banjar Tengah 4.500 M²
2. Pelaba Pura Dalem 6.000 M²
3. Pelaba Pura Bale Agung 1.200 M²
4. Pelaba Pura Pujung Sari 4.000 M²

da. Carik due Banjar luire

1. Banjar Tengah 2.700 M²
2. Banjar Klod 6.000 M²

ta. Lelanguan, minakadi tetabuhan lan ilen-ilen padruwen Desa Banjar luire

1. Gong abarung Banjar Tempek Kelod lan Tengah
2. Iler-ilen wali Pura, rejang, pendet

34. Lekte-lekita, luwire pipil krama, awig-awig, pasuana-pararem.

45. Pelawatan Ida batara.

sa. Lembaga Perkreditan Desa (LPD)

2) Olih - olih Desa Adat Nyanglan lurre

na. Olih - oliban saking pelaba pura.

na. Urunan Krama Desa Adat,

ca. Paice saking Guru Wisesa

ra. Dana punia tiosan, sane patut.

Paвос 21

- (1) Prajuru Desa ngetangan pamupon laba Pura lan sepertunggalan druwe Desa
- (2) Pikolih lan pamupunya keanggen prebeya padalan saku wewangunan ring pura miwah anggen kabuatan Desa Adat.
- (3) Ring sangkepan Desa, Prajuru pengamong druwe Desa ngewentenang parindikan mumuk lungsuring paduwen Desa ring Krama Desa.
- (4) Sakaluring druwe Desa patut wenten ilikitannya.
- (5) Tan kalugra ngadol utawi ngesahang praduwengan Desa yang tan kasungkemin antuk Krama Desa.

Palet 6

Sukerta Pamitegep

Kaping 1

Karang Lan Legal

Pawos 22

- 1) Krama Desa pengemong karang desa (tanah sane tan keni tigasana) patut ngewatesin karang inucap antuk pagehan/turus utawi tembok mangda pekantenannya asri
- 2) Wates sisi kaler miwah kangin patut kekaryanin antuk sang ngamong karang ayahan inucap, sane mewasta gegaleng keluan, sejawaning tanah pecatu, tegal, carik utawi tanah padruweyan ngerage, sane kapiara watasé sisi kidul miwah kauh, reh punika mewasta gegaleng keteben.
- 3) Prade kerasayang pagehan/turus inucap ngelikadin, san pada arsa (enyandé - e, kengin watese ngangge pinget kewanten kesaksi antuk Prajuru Desa utawi prahehina pal saking Agraria.
- 4) Prade wenten karang kekebeng mangda keutsayang wenten pemarginnya.

Pawos 23

- 1) Sinalih tunggil Krama Desa/Banjar tan kelugra
 ha: Ngalah – alah margi, tegal ayahan Desa, karang Desa
 na: Ngalah – alah tanah tegak kahyangan, setra lan sekancan tegak sinanggeh suci
- 2) Prade wenten sekadi ring ajeng, sang ngelalihah patut ngewaliang tanah inucap salta pamidanda sepatutnya manut pararem kedulurin upakara ring pengalahalah tanah suci.

Keping 2

P e p a y o n a n

Pawos 24

- 1) Ngawit nandur pepayonan tanem tuwuh patut adepa agung ngejeroang saking watas prade jantos ngelewat watas wening kescpat gantungin.

- (2) Yening wenten pepayonan ngungkulin, semaliha me-wastu mayanin kepisaga patut kewara antuk paiguman ping ajeng prasida sang nruwenang wit ngerebah utawi notor.
- (3) Prade sampun kewara taler tan wenten usaha sang nruwenang wit sang rumasa keteteahan/kejerihan wenang mesadok ring Prajuru, tur risampun keparitatas kelugra ngicalang wit inucap.
- (4) Sang keni danda penyangaskara saha prebeya manut pararem marep ring wewangunan sang kerubuhan lura.
- ha. Sang nruwenang wit sinanggeh mayanin, prade pungkut ngerubuhin krama tios.
- na. Sang notor, munggul utawi ngerebah taru tur ngerubuhin wewangunan krama tios.
- (5) Krama Desa patut ngemanggehang kawerdian tanem tuwuh sane ngawinang desane asri tur lestari.

Kaping 3

W e w a n g u n a n

Pawos 25

- (1) Nyabran ngewangun patut :
- ha. Mesadok ring prajuru ping ajeng prade wewangunan ngenenin watas,
- na. Ngangge asta bhumi miwah gegulak kosala-kosali,
- ca. Tan nyayubin ke pisaga
- ra. Tan dados ngebahang toya ke pisaga
- (2) Prade wewangunan jantos ngayubin bilih-bilih temboke ring telengin wates, risampun keware tur kesadokang ring prajuru, wenang kedanda manut perarem, Saha tembok inucap kegubar utawi senistane mangda kekaryaanang abangan.

Keping 4

Wewalungan

Pawos 26

- 1) Sahananing warga Desa sane memiara wewalungan (bawi risampun mebelas utawi banteng tsp. Sampun mesaluk tali) patut seyaga nitenin negul/ngelogor mangda tan ngerusakin karang utawi pabianan krama sewos,, bilih-bilih jantos ngeranjing ngeletehin kahyangan.
- 2) Prade wenten wewalungan melumbar utawi ngele) ngerusakin karang/pabianan krama sewos, risampune keware kengin ketaban tur kedanda ngewaliang wit sane rusak saha nawur penchas paparan tetabanan anut pengelokikan Prajuru Desa.
- 3) Prade jantos ngeletehin tegak suci minokadi pemerajan (Sanggah Kemulan), risampun kaparitas antuk prajuru wenang sang nruwenang kedanda mahuhu agung tehasan prayascita, durmangala utawi Panca Sata iwak nebek belang kalung, prade jantos ngeletehin Kahyangan Tiga utawi Pura Pemaksan.
- 4) Krama Desa patut nyerayanin wewalungan miwah sarwa prani, tan kepatutang meboros paksi miwah nuba ulam lan siosan punika.

Keping 5

Bhaya

Pawos 27

- 1) Para indikan bhaya laire : jiwa bhaya, artha bhaya (kepandung) geni bhaya, toya bhaya, rupu bhaya, dura cara ring agama.

- 2) Sang manggihin kehanan panca bhaya (sant nyatak kulkul bulus mapitulong an' an' pawos 15 (2) aksara na lan ca
- 3) Prade ring Desa kehanan jawa bhaya, patut Desane ngawentenang bluta Yadnya an' sang mayanin katur ring guru Wisesa, tur kem danda ring Desa manut perarem
- 4) Prade wenten jatma memisah utawi nguman' antan jatma tiis, kekenin pamidana beya pecamil tebasan pemrayascita
- 5) Krama Desa patut mapitulong yening wenten kapanca bayan, tur makta gegawa an' sane kacihnayang antuk suaran kulkul anut pawos 15 (2) aksara na, ca

Pawos 28

- 1) Sang manggihin kehanan artha bhaya (kependangan), patut ngulkul mapitulong an' an' ring pawos 15 (2) aksara na, ca utawi sang kemalingan atur supeksa ring Prajuru Desa sane pacang nandanin saha mawuwuh penyanggaskara prade wenten jatma ngeretaling barang sinanggeh suci
- 2) Pratingkahe mapailon ring dusta kebawos ngukubin corah, utawi prade wenten jatma manggihin maling tan nyadokang ring prajuru jantos jatma tiis nyaduang, patut kedanda kadi dandaning maling, sekueh pengargaan wit manut cacakan, tur prade jantos ping tiga melaksana asapunika wenang kasukserah ring sang guru Wisesa
- 3) Prade wenten jatma ngerereh teramon, minekadi daun kelapa, ron, miwah sane siosan tan pasadok ring sang nuwenang, prade kacunduk (ketara) patut kedanda kadi dandaning maling

- 4) Yening wenten jatma ngeranjingun pakulwan wadon sok ringan rikala sawung tur tanpawangsit mewastu sang medruwe karang kacatari wenteng jatma mucap dados kesinanggeh memaling saha patut melawa saksi ring pura Desa Bale Agung.
- 5) Manda tan kasinanggeh manut ring ajeng, asing-asing ngeranjingun kulon jatma sios patut
 - ha. Metenggeran suara (mekaukan)
 - na. Nyantos sang neruwenang karang rawuh utawi mesadok ring pengapit pinth tampek, maka buatan pengeranjinge.
 - ca. Pamedal karangnya kedagingin sawen, maka cibna wenten pengarah rikala sawung.

Kaping 6

Penyanggran Banjar

Pawos 29 -

Krama Desa rikala ngawentenang karya suka - duka, patut kesanggira antuk banjar, manut cararem

CATHURTAS SARGAH

SUKERTA TATA AGAMA

Palet 1

Indik Dewa Yadnya

Pawos 30

- 1) Pelinggih penyiwian Desa Adat Nyanglan luire :
 - ha. Kahyangan Desa : Ratu Gunung Agung, Ratu Gunung Lebah, Pajung Sari
 - na. Kahyangan Tiga : Pura Desa/Bale Agung, Puseh, Dalem
- 2) Rahina piocalan soang - soang Kahyangan mucap, kadu ring sor panika

ha. Ring Kahyangan Desa

1. Ratu Gunung Agung ring rahina Buda Kliwon Madya
2. Ratu Gunung Lebah ring rahina Purnama Kedesa
3. Pura Pujung Sari rikala rahina Buda Wage Wuku

na. Ring Kahyangan Tiga, luhre,

1. Pura Desa/Bale Agung rikala, rahina Buda Wage Kelawu
2. Pura Pusih rikala, rahina sukra Pahing Dungulan
3. Pura Dalem rikala, rahina Anggara Kliwon Prangbakat

ca. Anggara Kliwon Prangbakat sedek nemoning Talem Kecante (Dalem Kesanga) patut ngasuba Dalem

ra. Buda Kliwon Dungulan sedek nemoning purnamaning Kartika Wenang ngusaba Desa

ka. Buda Kliwon Dungulan sedek nemoning Purnama wecaka wenang ngusaba ring pusih, muang ngusaba Nini ungguhannya ring Bale Agung

da. Mapag Toya ring carik kemargiang sedek nemoning purnama Kaput (Kemargiang tigang masa apisan, mekebo cemeng)

ta. Ngusaba Desa kemargiang sedek nemoning purnama Keloma (Kemargiang tigang masa apisan). (MANUT RING LONTAR AJI BAKA BUMI)

(3) Pengaci ring pura inucap manut kecap sastra agama, saha kelaksanayang mista, madya, utama nganutin kawentenan lan pararem.

(4) Pengemong / Pengempon soang - soang Pura manut dresta miwah pararem.

Pawos 31

(1) Ring soang - soang Pura inucap kewentenan Pemangku

(2) Ngadegang Pemangku manut dudonan

ha. Turunan

na. Nyanjaan utawi nuwur, mapiteges mapinunas ring ajeng penataran Pura;

ca. Kapilih, olih Krama Banjar lelekesan (undian)

(3) Tan kewenangan ngangge pemangku, luire :

ha. Cedangga, luire, peceng, perot, cungh lan sepenunggilang,

na. Sang sapesira ugi sane tan kepatutang anut perarem,

ca. Sakit ila, ayan, buduh, miwah sakit tan sida ketambanin

ra. Sane madrebe pari laksana tan becik.

(4) Prabca Kepemangku

ha. Ngewintenin pemangku kemedalin saha kelaksanayang antuk sang ngadegang, mekad

Desa pengempon pura soang – soang

na. Mepitra Yadnya riwekas prade kulawarga pemangku tan merasidayang ngemargiyang

amadia, patut karomba antuk krama Desa utawi pengemong, manut perarem

(5) Pemangku patut ngemanggehang sesana miwah agem-agem pemangku

Pawos 32

(1) Swadarma pemangku luire :

ha. Nguningayang upacara yadnya piodalan ring Kahyangan utawi ring soang – soang pekubon krama,

na. Tan wenang salab sulub, yan memurug wenang pemangku inucap nyepuhin raga;

ca. Prade salah sinunggil pemangku kapialang utawi cuntaka, kengin nyelang pemangku kayangan tiga siosan utawi nuur sang sulinggih.

ra. Semalah van sampun pemangku ngayah ligang; rahma ring pura kancit wenten
 ra. Wajanya lina, pemangku inucap tan keneng euntaka, sakewanten pemangku tan
 budal selami prodalan.

2) Petas utawi olih-olih pemangku, luire :

ha. Sarin canang kepsi tiga (3) luire;

1. Pemangku pengemong aski (1)

2. Pemangku pengabih aski (1)

3. Kebanjat aski (1)

na. Upon pelaba carik mowali legal manut perarem;

ca. Luput pekaryan lan luput rerampen;

ra. Setunggil ngusaba Desa pemangku Desa polih Busana arangsukan.

ka. Pemangku Desa utawi kayangan Tiga kengin ngabih pemangku pengemong ritatkala
 wenten yadnya ring pura Desa utawi kayangan tiga.

Pawos 33

(2) Pemangku kagentosin riantukan :

ha. Lina

na. Pinunas ngeraga, menawi kegeringan lan sepenunggalannya;

ca. Kawusan antuk krama menawi melaksana sane tan patut (asta dusta)

(3) Prade pemangku kawusanang sangkaning melaksana asta dusta, keni pamidanda manut
 perarem

Pawos 34

Kasukertan kahyangan ring Desa :

(1) Sane nenten kalagra ngranjing ka pura luire;

ha. Sang katiba cuntaka, makadi sebel ngeraga,

1. sebel kandel, ngeraja sewala, selami dereng mabersih,

2. sebel madrue putra kruron, sejeroning 42 rahina ;

3. sebel pengantenan, sadereng mabiakala;

4. cuntaka sangkaning kepademan manut senger luire

4.1 sebel desa tigang rahina ngawit sakeng mesuara gegeran, mersihin utawi nyiramang, mendem, pelebon utawi ngaben.

4.2 Sebel sang nruenang utawi ngarep, utawi pengapit suenya 12 rahina

4.3 Sebel sang meraga triwangsa ngarep, per gapit suenya 7 rahina

na. Sang panten miwah anak bebinjak sedereng meupakara,

ca. Makta sehananing sane kasinanggeh ngelelehin,

ra. Makta wewalungan suku pat,sejawaning ring kaja jagi keanggen yadnya.

ka. Mabusane sane tan manut kadi tata caraning ngranjing ka pura;

da. Anak alit sedereng mayusa tigang sasih.

ta. Sedereng polih wak wakan (pituduh) prajuru Desa Adat

(2) Sane nenten kalugra ngemargiang pitra yadnya luire:

ha. Ritakala ngemargiang upacara dewa yadnya ring kayangan Desa lan kahyangan tiga nembenin sakeng tigang rahina sadurung ngayah, ngantos rahina ngeluhur (nyineb).

na. Ritakala nemoning rahina luire:

1. Anggara kliwon

2. Buda kliwon

3. Huda wage

4. Sukra pahing

5. Saniscara kliwon

6. Raspati manis nemu tanggal (panglong) ping 11, ngaran dina walang ati

7. Purnama lan tilem

(3) Busana ngeranjing ka pura wenang nganutin dresta minekadi ;

ha. Ritakala ngaturang ayah, mawastra lan nyelempot;

na. Ritakala ngaturang sembah, mahusana jangkep,

ca. Siosan kadi ring ajeng nenten kalugra, sejawaning sampun pituduh prajuru

(4) Parilaksana tan kewenangan ring pura, luire;

ha. Masuara sane kasinanggeh wak parasya, wak capala;

na. Makoratan mabacin, mawarih, masanggama;

ca. Masumpah utawi macoran, sejawaning pituduh p-ajuru desa;

ra. Ngias raga sejawaning pandita;

ka. Mungghah tedun melinggih sejawaning pituduh pemangku;

(5) Sang mamurang kadi kecaping ajeng, keni pamidanda pemerayascita sepatutnya.

Pawos 35

(1) Yang wenten jatma kerawuhan ring pura, kenjin patut ketatasang prade rumasa kesumangsayan, yang tan wiakti jatma inucap kesisipan manut perarem

(2) Prade kahyangan kahanan dur mengala, minakadi kepanca bhaya, sang manggihin patut digelis nyadokan ring prajuru mangda marumang krama desa tur ngewentenang upacara sepatutnya

Palet 2

Indik Rsi Yadnya

Pawos 36

- (1) Sang pacang madeg pandita utawi madwijati patut mesadok ring prajuru Desa kalih Parisadha Hindu Dharma.
- (2) Prajuru Desa patut nitenin tur wenang ngalangi, prade wenten kacihnian lemyas ring kekecap miwah dresta.
- (3) Sang Dwijati polih ieluputan ayahan lan papeson.

Pawos 37

- (1) Sang sulanggih patut ngerivining ngayunin ring wewidangan desa Adat Nyanglan.
- (2) Sesampune wawu muputang yadnya e jebat jagat utawi ke dure Desa.
- (3) Kraja Banjar sami patut sareng nitenin ketuntun antuk prajuru, mangda sahanan yadnya sane kewentenang kaicen pamuput olih Pandita.

Palet 3

Indik Pitra Yadnya

Pawos 38

Dudonan pemargin pitra yadnya

(1) Pengupakaran sang lina :

ha. Antuk mendem utawi ngeseng, makacihna pekingsan ring Ibu Pertiwi utawi ring Bhejara Brahma, selami ngantos pedewasan. -

na. Meupacara mendem

l. Sawa tan wenang mependem langkung ring dasa warsa

2. Yang tan kelaksanayang ring sang ngarep manut pawos 38 (1) na 1 patut kelaksanayang ring krama Banjar manut pararem.

ca. Maupacara pengabenan / peleben

(2) Upacara – upacara Pitra Yadnya riwusan keabenang mewastu raris memukur tur kelanturang ngalinggihang dewa pitara.

Pawos 39

Swadarmaning lan tetegenan krama prade wenten sinalih tunggil warga lina :

(1) Sang kaduhkita patut :

Nyadokang ring klian tur nuas tetimbangan ring kewentennya,

(2) Swadarmaning Banjar / Desa :

ha. Klian Banjar maritatas pemargin sang kaduhkitan, napike pacang kependem, makingsan riyin utawi lantur keabenang;

na. Prade kependem, raris kawentenang kulkul patahu manut pawos 15 (3) aksara na.

Antuk Klian Banjar utawi wakilnya.

ca. Penyanggran Banjar selanturnya :

1. Soang – soang krama Banjar nedunang patas manut pararem.
2. Sami krama Banjar ngater ke setra jantos pemendem puput.
3. Tan kengin ngelelet langkungan ring 7 (pitung) rahina, tur patut polih ngebagan anut pactangan Klian Banjar.
4. Tan kalugra nginepang bangbang
5. Tan kalugra nyekch layon langkungan ring awarsa.

- (3) Prade wenten lina rikala piodalan ring pura, Kengin mendem tan pesadok tur memargi wengi
- (4) Pemargin pemendeman utawi pelebonan mangda nganutin sastra agama dresta luire:
 Satunggal dasa warsa krama Banjar ngawentenang upakara pengeritan (pemargin upakara pengeritan manut perarem)

Pawos 40

- (1) Sane kasinanggeh keuntakan sekadi ring sor,
- ha Cuntaka antuk lina,
 - na Cuntaka antuk ngeraja swala,
 - ca Cuntaka antuk ngembasang putra,
 - ra Cuntaka antuk keruron,
 - ka Cuntaka antuk pawiwahan,
 - da Cuntaka antuk gamia gamana,
 - ta Cuntaka antuk salah timpal
 - sa Cuntaka antuk yening wenten anak istri mobot nenten keupakaran pabiukawonan tur pawidiwidana,
 - wa Cuntaka antuk mamitra ngalang,
- (2) Sengker cuntaka manut kewentenannya;
- ha Cuntaka kelayu sekaran, cuntakanya kantos masesapuh manut dresta,
 - na Cuntaka ngerajaswala, 3 rahina ngawit saking ngeraja swala utawi selamaning ngeraja swala,

ca. Cuntaka ngembasang putra, 42 rahina (abulan pitung dina) ngawit saking putrane embas utawi ngantos sampun kaupakara maxekambuhan tur meperascita manut sekadi agama, lanang wiadin istri

ra. Cuntaka keruron nia abulan pitung dina (42 rahina) tur sampun meprayascita.

ka. Cuntaka pawiwahan, cuntakanya ngantos sesampune meupakara mekala-kalaan;

da. Cuntaka gamia gamana, cuntakanya ngantos sesampune kepalasang mesepihan tur sampun kewentenang pemeperascita desa adat / kahyangan;

ta. Cuntaka salah timpal, kepuputang sekadi ring Agama Hindu tur dresta/adat;

sa. Cuntaka anak istri mobot sakaning lokita sangraha nenten kewentenang upakara pabiakaonan, cuntakanya ngantos kewentenang upakara pabiakaonan,

wa. Cuntaka mamitra ngalang, cuntakanya ngantos kewentenang upakara pabiakaonan pamarascita;

la. Ngembas putra nenten kewentenang upakara pawidi widana, cuntakanya ngantos wenten sane memeras sang putra, tur sampun kewentenang upakara sekadi ring ajaran Agama Hindu.

(3) Cuntaka kelayu sekaran/kepademan;

ha. Kepademan cuntakanya:

1. Cuntaka /sebel kebanjar rauning 3 rahina riwusan mendem utawi sesampun polih prayascita (mesapuh).
2. Keluarganya sejeroning pekarangan manut ring pawos 34 (1) ha. 4.

na. Keaben cuntakanya

Sang nyambut karya pitra yadnya cuntakanya ngawit saking ngerancang karya rauh riwus yadnyanya (mepepegat).

(4) Tan keneng cuntaka luire .

ha. Sang sulinggih

na. Pemangku kahyangan tiga rikala piodalan

ca. Bendesa/kelian Adat rikala piodalan

†

Pawos 41

(1) Atiwa – tiwa utawi pengabenan kamanggih medasar antuk sastra agama miwah dresta.

Pawos 42

(1) Peputusan pengabenan wenten kalih pawos:

ha. Ngaben ngemasa, luire : Kelabang, bambu pada 1

na. Ngaben nuka luire : Kelabang, bambu pada 1

ca. Ngaben dadakan, patch sekadi patas lina kependem manut perarem

(2) Peningune ring Krama banjar ngawit mekarya anut abot dangan kewentenan karya.

Palet 4

Indik Manusia Yadnya

Pawos 43

(1) Manusia yadnya inggih punika upacara – upacara dharmaning kauripan manusia, ngawit saking patemoning kama bang lan kama petak-sejeroning garba ngantos, kelayu sekaran riwekas

(2) Upakara kadi ring ajeng medudonan sekadi ring sor .

ha. Magedong gedongan duk pengerempinan ibiang;

na. Duk sang rare medal

ca. Kepus udel;

ra. Roras rahina

ka. Tutug kambuhan (42 rahina)

da. Tjgang sasihan (3 bulan)

ta. Pawetuan/oton/odalan (6 bulan)

sa. Tutug kelih (ngeraja swala sane wadon, ngemakin sane lanang)

wa. Metatah / mependes;

la. Mawiwaha;

ma. Mawinten

- (3) Upacara – upacara inucap kemargiang nista, madia utama manut sastra agama miwah dresta.

Palet 5

Indik Bhuta Yadnya

Pawos 44

- (1) Bhuta yadnya inggih punika upacara – upacara merupa : byakala, caru, labaan aci lan pakelem miwah sane siosan.
- (2) Upacara pabyakala ring pertiwi, kahkayangan lan hebhutan kewastanin mecaru.
- (3) Pecaruan inucap ring ajeng nista, madia, utama, manut wiguna kadi ring sor

ha. Eka Sata

ra. Panca sato

ca. Rawi macaling

ra. Panca Sanak

ka. Resi gana

da. Candel selam

ta. Panca kelud

sa. Tawur

wa. Injir

(4) Serawaning kadi ring ajeng kawentenang upacara :

ha. Mebanten utawi sayban wasan ngrateng

na. Mesapuh sapuh rikala pacang wali ring pura.

ca. Nangken ngewarsa rikalaning kajeng kliwon sasih karo ngawentenang pecaruan godel
selem injin ring pura dalem.

ra. Nangkem ngewarsa rikalaning kajeng kliwon sasih keenem ngawentenang pecaruan
Bawi Macaling ring pempatan Agung.

ka. Nangken ngemargiang ngusaba Desa ping tiga kadulurin antuk pecaruan catus pataning
Desa (walik sumpah).

Pawos 45

(1) Nangken ngewarsa rikalaning Talem Kesanga kewentenang caru kesange, kelanturang
ngerupuk, makasihna pacang mapag rahina Penyepian benjangne.

(2) Bratha penyepian sane kemargiang antuk Krama Desa :

ha. Amati geni : tan kengin meapi - api;

na. Amati karya : tan kengin nyambut karya;

ca. Amati lelanguan : tan kengin maoneng - oneng, lan sapanunggalannya

ra. Amati lelungan : tan kengin melelunganan merika - meriki.

(3) Peberataan inucap kemargiang sakeng semeng ngantos ngedas lemah.

(4) Sang mamurug lecaping ajeng keni pamidanda manut perarem ring banjar/tempek soang-
soang kemargian antuk petilik (Pecalang Desa).

(5) Riwus rahina Nyepi (benjangne) maka cihna pengawit leaka warsa patut soang-soang
warga Desa sami saling ngaksama (Dharma santi).

PANCAMA SARGAH

SUKERTA TATA PAWONGAN

Palet 1

Pawos 46

- (1) Pawiwahan inggih punika patemoning purusa precana, melarapan penunggalan kayun suka cita kaduluring upasaksi sekala-niskala.
- (2) Pemargin pawiwahan luire :
 - ha. Pepadikan, kemanggalaning antuk pekrunan;
 - na. Ngerorod, merangkat riyin wawu kekrunayang;
 - ca. Nyeburin utawi nyentana nyeburin risampun kemanggala antuk upacara pemerasan
- (3) Pidabdab sang pacang mawiwaha patut :
 - ha. Sampun manggeh daha-teruna
 - na. Sangkaning pada lila (tan kepaksa)
 - ca. Kemargiang sudi wadani prade pengambilan tiis agama.
- (4) Pemargin pawiwahan mangda nganutin Undang – undang Perkawinan saking sang Ngawewenang (Guru Wisesa).

Pawos 47

- (1) Pawiwahan sane kapatutang ring Desa sekadi ring sor :
 - ha. Sampun kemargian pekalan-kalan utawi pesakapan kesaksinin antuk tri upasaksi inggih punika manusa saksi, bhuta saksi lan dewa saksi.
 - na. Prajuru patut mepakeling utawi ngalikitayang pawiwahan,
- (2) Pawiwahan sane tan manut kadi ring ajeng sinanggeh tan pastika.

Pawon 48

Tata caraning perabian :

- (1) Sapa sira ugi pacang ngewarangan pakulawargan patut mesadok ring prajuru selanturnya prajuru maritatasang, manut tan manut indik perabiane,
 - (2) Pemargin pepadikan anut dadudonan
 - ha. Pakrunan jantos ping tiga, saha soang soang melarapan
 1. Kapertama antuk sedah who jambe
 2. Kaping kalih antuk sedah who lan sajeng
 3. Kaping tiga antuk tipat bantal, kabayos pemuput pepadikan
 - na. Risampun mapragat raris sang istri keajak budal ring pakubon sang lanang
 - ca. Yening wenten warga istri keambil sakeng dura desa, patut merastista kulkul saha sesari manut perarem
 - ra. Mangda pragat tumus sekala niskala, raris kulawarga purusa makta pejati ring merajan wadan,
 - ka. Sadurung sang pakurenan makta pejati ring pemerajan wadan tan kelugra muspa ring kahyangan jagat lan kahyangan Tiga
 - da. Ritakala keluarga purusa makta pejati ring merajan wadan patut mapiuning ring kahyangan tiga (Banten apejati). Kepuput olih pemangku soang-soang kahyangan.
- (3) Prade ngerorod merangkat patut :
 - ha. Reraman lanange ngewentenang pengelukatan pejati antuk duta saksi paling kedik 2 (kalih) diri.
 - ca. Genah antene tan kengin ring pakubon sang lanang sedereng mebyakala.

(4) Sejetonine pakraman pengelukatan patut :

- na Kemanggala antuk pengampura majeng ring raman wadone.
- na Keigumang bawos indik idih pekidih utawi pelegayan arep ring pasewakan sang ngidih saha dewasa pekerabkambeyane wekas.
- ca Keethnavang indik kapurus utawi pradé sentana rajeg kejejerang kepatut ngidih anak lanang sanc kebawos pawiwahan nyeburin, tar risampun sulur pemerasan ketegopin kemanggehang sentana nyeburin.
- ka Prade tan terima pengelukuan pejati, tan keterima pakrunan kemargiang jantos ping tiga, patut kesahang antuk prajuru Adat, kadulurin upacara pejati ring soang soang kahvangan tiga.

(5) Pekrabkambean mapiteges upacara tinas apadang (puput) mapikuren dwaning sampun manut sekadi pahilinannya manut dresta.

Palet 2

Indik Nyapian

Pawos 49

- (1) Pawiwahan prasida kawusang melarapan antuk palas parabian utawi kepademan.
- (2) Wusan mapikuren riantukan salah sinunggil lina mapiteges balu, mekadi balu lanang/istri.
- (3) Palas merabian inggih punika sangkaning mawiwit wicara.
- (4) Sang ayat palas merabian atur supeksa pailikitan riyin ring sang rumawos (Pengadilan Negeri) wastu tinas apadang pemutuse kebawos nyapian, wawu prajuru/dulu nyiarang kewenterannya ring desa saha keni pemelin kulkul manut perarem utawi manut dresta.

Pawos 50

(1) Tata cara palas perabian sekadi ring sor :

ha. Namur prebeva pesaksi sinalih tunggil sami matenga;

na. Pangunakayan polih pahan pada;

ca. Pepekkel, tadtadan soang – soang kekuasaang niri – niri, sakewanten indik warisan
kekuasang antuk purusa;

ra. Ngawuruhin miwah ngopajiwan pratisentana manut swadarmaning guru rupaka;

ka. Nawur pamidanda kulkul manut pararem utawi manut dresta;

da. Ngelung jinah bolong manut logika Prajuru/dula utawi manut dresta;

ta. Mepamit saking merajan sang lanang.

(2) Prade riwekas sang palas kecihna adung malih, patut;

ha. Ngemargiang pawiwahan malih

na. Kedanda nikel saking palase.

Pawos 51

(1) Sang balu kebinayang dados :

ha. Balu luh wit sentana (sentana rajeg) miwah balu boya sentana;

na. Balu muani kepurusa (wit sentana) miwah balu muani nyeburin (boyo sentana).

(2) Swadarmaning balu inucap patut :

ha. Ngemanggehang patibrata tan patut ngemargiang paradara/drati kruma.

na. Nguwasayang waris gunakaya, tan dados ngadol, ngadeang, makidihang lan siosan
ponka, sajawaning kebehasang sakeng pianak utawi kulawarga pinih tampek sakeng
rahme prade okane kanton alit-alit.

ca. Kengin ngidih sentana prade wenten kecumpuin antuk kulawarga sinanggeh kepurusa,
ra. Kawenangan mawiwaha malih, prade wenten kebebasan saking warga kepurusa.

(3) Balu keucap tan pagéh sekadi ring sor :

ha. Drati krama utawi paradara,

na. Mejar saking pakubon tan pesadok jantung 6 (enam) sasih,

ca. Lepas ring swadarma sewos-sewosan tan praida ngeschin solah maprewerti marep
ring pituduh kulawarga purusa.

Palet 3

Indik Senatana

Pawos 52

- (1) Sentana wenten kalih pawos, sane keucap pratisentana miwah sentana peperasan.
- (2) Pratisentana inggih punika sentana metu saking pawiwahan kepatut.
- (3) Prade pawiwahan tan ngewetuang sentana kengin ngidih sentana antuk upasaksi sekala
niskala sane kewastanin sentana peperasan.
- (4) Prade pawiwahan tan kepatut ngewetuang sentana, mangda tan kantun kewastanin
bebinyat utawi astra, patut kemanggala antuk penyangaskara
- (5) Sentana rajeg inggih punika, pratisentana wadon (predana) sane kemanggehang lanang
(purusa) tur risampun ngelaksanayang pawiwahan, nyeburin.
- (6) Sang sane kearsayang sentana rajeg inucap wiwit (3) inggih punika :
ha. Pratisentana wadon tunggal utawi salah sinunggil pratisentana wadon yaning
makesami pratisentana wadon.
na. Sampun kemanggehang dados pratisentana (purusa);

ca. Kapawiwahan keceburin, keutamayang antuk jodma sane meagama Hindu utawi sabha sane meagama seosan sane sampun ngelaksanayang pema-suda raja utawi silih wedani.

ra. Sane ngemanggehang sentana rajeg patut mapesadok ring Prajurit Banjar tan silih Banjar patut nyiarang ring banjar saha ngaturang ring prajuru Desa Adat

Pawos 53

- (1) Ngemanggehang sentana manut dudonan patut makacihna arta berana pemerasan sane kesaksiang sekala msakala.
- (2) Sapa sira ugi krama pacang ngidih sentana, patut mapesadok ring Bendesa semstane arasih sedereng pemerasan.
- (3) Bendesa kewakilin antuk kelian banjar ring sewidangan Desa sang sapa sira ugi rumasa tan lali mangda nguningayang mesengker kalih wuku sedurung pemerasan, ring Bendesa Adat.
- (4) Prajuru/dulu Desa digelis mawosin saha ngicenin pemutus nepek ring catur dresta miwah perarem.
- (5) Prade sulur peperasan tan manut ring kecaping ajeng, prajuru/Dulu Desa wenang ngandeg sang pacang mekarya, saha ngicenin pemutus, mangda kepuputang riyin bebawosan sulur utawi wicaranya.

Pawos 54

(1) Peperasan sane kepatut ring desa risampun makacihna :

ha. Widhi widana pemerasan;

na. Kesaksinin antuk prajuru Desa sane makelingang utawi ngalektayang.

- ca. Kesiarang ring wewidangan Desane.
- (2) Sane kepatut peras angge sentana kadi ring sor :
- ha. Jadma meagama Hindu,
- na. Kulawarga saking purusa, prade tan wenten kengin saking wadon wenten taler tan wenten wawu kengin sekama-kama (sekita kayun),
- ca. Keutamayang saking waris pancer kapurusa,
- ra. Sinalih tunggal mawiwit saking kulawarga tunggal sanggah utawi merajan, pabon lan dadia, utawi ngambil anak tiis sakewanten sanji meagama Hindu.
- (3) Kengin ngangkat sentana langkung ring adiri, lanang wadin wadon

Palet 4

Indik Warisan

Pawos 55

- (1) Warisan inggih punika arta berana saha ayah-ayahan ngupadi sukerta sekala niskala saking keluhurannya marep ring turunannya.
- (2) I kang sinanggeh warisan luire :
- ha. Due tengah, mekadi tegal ayahan desa sanggah/merajan, pusaka lan sane siosan,
- na. Pangunakayan, tadtadan/Jiwa dana, hutang piutang.
- (3) Wawu kengin kebawos warisan prade wenten :
- ha. Sang ngewarisang,
- na. Keturunan (ahli waris)
- ca. Arta berana, tetegenan (ayah-ayahan) makacihna warisan.

Pawos 56

(1) Ahli waris luiré

- ha. Pratisentana purusa
- na. Pratisentana (sentana rajeg)
- ca. Sentana peperasan lanang wadon

(2) Prade wenten sekadi ring ajeng kang sinanggah ahli waris

- ha. Turunan purusa pernah nganggahang mekadi rerama lanang pekak selanturnya, reraman misan, mindon.
- na. Turunan purusa pernah kesamping mekadi keponakan, keponakan di misan miwah keponakan di mindon.

(3) Swadarmaning ahli waris patut :

- ha. Nerima saha ngusahayang tetamian pahan keluhurannya, mekadi ngerempon sanggah/merajan. Pura saha pengupakarannya miwah ayah-ayahan pewaris.
- na. Ngabenan pewaris saha ngelanturang upacara – upacara pitra yadnya.
- ca. Naurin hutang – hutang pewaris manut pengelosika.

Pawos 57

Mungguing waris kewaris ring Desa Adat Nyanglan :

- (1) Risampun kelaksanayang Pitra Yadnya lan hutang – hutang pewaris tuntas ketawur, wawu warisan dados kepah.
- (2) Para ahli waris sami polih pahan sangkaning pagunakaya sajewaning karang tegal ayahan desa keemong antuk ahli waris kang sinanggah krana ngarep. ✓
- (3) Sinalih tunggil ahli waris tan polih pahan prade.

- (3) Prade jantos karing Desa kepali utawi kesepih, patut soang soang nedunni mekrama
Desa ngarep

SAT SARGAH

WICARA LAN PAMIDANDA

Palet 1

Indik Wicara

Pawos 59

- (1) Sane wenang mawosin mekadi mutusang wicara ring Desa inggih panika Prajuru Desa
sinanggeh kerta Desa:
- ha. Kelihan banjar, pradane sang mawicara sane patunggalan banjar
 - na. Bendesa Adat, sang mawicara sami - sami ring patunggalan Desa Adat
- (2) Tata dudunan mawosin saha muputang wicara warga desa kadi ring sor:
- ha. kaping ajeng kahawosin antuk kelihan Banjar,
 - na. Tan cumpu ring panepas kelian banjar katunasang ring penglisir banjar,
 - ca. Pelingsir Banjar/Kerta Banjar tan kecumpurn ketedunang ring paruman banjar,
 - ra. Paruman banjar tan kanutin kengin nunasang ring Bendesa Adat
 - ka. Bendesa Adat tan prasida muputang katincepang ring panglisir sinanggeh kerta
Desa;
 - da. Prade taler pamatut penglisir desa tan kacumponin ketunasang ring paruman desa,
sinanggeh wasananing pemutus ring desa

Pawos 60

- (1) Sahananan wicara mesiwit kecorahan saka luire sinanggehi nungkasin daging awig-awig, pesuaran miwah perarem Desa/Banjar, Prajurit/dulu Desa patut digelis mawosin tan nyantos pesadok.
- (2) Sejaba wicara kadi ajeng patut nyantosang pesadok sang nunas bawos.
- (3) Penepase patut pastika nyantenang iwang patut melarapan Tri Premana tsaksi, lekita, bukti) miwah tan meren nepek ring catur dreasta.

Palet 2

Indik Pamidanda

Pawos 61

- (1) Desa/banjar wenang niwakang pamidanda ring warga desa/banjar sane sisip
- (2) Peniwak inucap kemargiang oleh Bendesa/Klian Banjar.
- (3) Bacakan pamidanda luire
 - ha. Ayahan penukun kesisipan;
 - na. Danda arta (dosa, danda saha panikel – nikelnya miwah penikel-nikel urunan);
 - ca. Rarampagan;
 - ra. Kesepekang
 - ka. Kewusang mekrama kewaliang pipilnyane
 - da. Penyanggaskara
- (4) Pamidanda sane ketiwakang patut mesor singgih manut ring kesisipane utamanya ngemanggehang kesudamalan Desa.
- (5) Jineh utawi raja brana pamidanda, ngeranjing dados djuwe Desa/Banjar.

Pawos 62

- (1) Krama sane langkung ring tigan pacang panyungsi ngawastu sampun tan nganutin awig-awig desa, wenang kerampag
- (2) Rerampagan ngangge tata cara kadi
ha. Kelaksanayang antuk prajuru kesatek antuk krama Desa seakebe tigan diri mawasta saksi
na. Sang ngerampag saking darsana ngambil barang utawi maweweni tanem utawi akelnya manut ring barang sang kerampag
ca. Prajuru micketang mangda barang-barang sane kerampag dipelis ketebus mas, n... awuku ring talina pacang keadol
ra. Tan ngaminu saluwir barang sane patut nggilang manut ngarna mawahi maledhar pangupa jiwa sang kerampag

Pawos 63

- (1) Prade sang pacang kerampag ngewara (ngalangin) pemargi inucap mawasta sampun tan nganutin awig-awig desa, wenang kesepakang
- (2) Semalih yan purun taler ngalangin pelaksanaan kadi ring ajeng makudang kudang pesangkepan karek patinet tan wenten pemargi sejawaning kewaliang pipil nyanc (keuwasang mekrama)
- (3) Pamidanda inucap ring ajeng mawasta puput risampun sang kekeninin
ha. Nunsu geng pengampura ring krama desa/banjar riantukanpiwal pasubaya (perarem) pecak
na. Nawur pengangan penguwak pasubaya duk pacang kerampag kedulurin pariyasita

SAPTAMA SARGAH

NGUWAH - NGUWAHIN AWIG-AWIG

Pawos 64

- (1) Nguwah - nguwahin Awig-awig Desa puniki kamargiang antuk paruman Desa
- (2) Patungan macap manjda kadasarin antuk pakarsan krama Desa adat yadiastun kemedalang antuk prapuri sinunggal wadit sinarengin

Pawos 65

- (1) Sakeluring sane wenten sederengnya pitut kamatang ring selapting awig-awig puniki
- (2) Saluring sane during kebawos sejeronting awig-awig puniki pitut kamatang mamu tatacara sane sampun ketah memargi kadulurin antuk pararem-pararem

ASTAMA SARGAH

SAMAPTA

Pawos 66

- (1) Awig - awig puniki kawastamin awig-awig Desa Adat Nyanglan
- (2) Awig - awig puniki kamargiang ngawit keingkupin utawi keraremin

Pawos 67

- (1) Awig - awig puniki kesungkemin ring paruman duk rahina
 pinanggal pang sasih icaka warsa
 tanpal maschi ring

- (2) Awig-awig pami kelurga tangani antuk Bendesa, kesarengan kelian-kelian Banjar/empok saha kesaksian antuk Kepala Dusun/Lingkungan miwah Kepala Desa/Lurah sewewidangan Desa. Saha kakukuhang antuk Bupati/Wali Kotamadya Tingkat II Bangli lan Klungkung.
- (3) Luir sang ngelingga tangannu.

Bendesa Adat Nyanglan
 ha. Kepertama Prajuru / Dulun Desa

Bendesa Adat Desa Nyanglan



I NENGAH SUANDA

~~Mengetahui~~ dan telah dicatatkan

Tanggal: 11 September 2000
 Reg. Nomor: 189/0.5/11k/2000
 05 Tahun 2000